



Republika e Kosovës
Republika Kosova
Republic of Kosovo



Komuna e Kaçanikut
Opština Kačanik
Municipal Kačanik

01Nr.60/02-24256/23
Kaçanik: 27.09. 2023

Në bazë të nenit 9 pika 1.8 të Udhëzimit Administrativ Nr.03/2012 - MAPL për Këshillat Komunal për Siguri në Bashkësi, Kuvendi i Komunës në mbledhjen e vet të mbajtur më 27 shtator 2023, pos tjerash,

INFORMOHET

- 1.Me aktivitetin e Këshillit Komunal për Siguri në Bashkësi (KKSBB) për gjashtë mujorin e parë të vitit 2023, të paraqitur në Raportin e punës.
2. Në raportin e punës si në pikën 1. të kësaj shkrese, janë cekur të gjitha takimet të cilat i ka mbajtur Këshilli Komunal për Siguri në Bashkësi (KKSBB) në gjashtë mujorin e parë të vitit 2023, temat e debatuar dhe rekomandimet të cilat i kanë nxjerrë nga këto takime.
3. Pjesë përbërëse e kësaj shkrese është: “Raporti i punës i Këshillit Komunal për Siguri në Bashkësi (KKSBB) për 6 mujorin e parë të vitit 2023” /Lënda 01Nr.60/02-24256/23.

Me këtë shkresë njoftohen :

1. Kryetari i Komunës;
2. Këshilli Komunal për Siguri në Bashkësi;
3. Arkivi.





Republika e Kosovës
Republika Kosova
Republic of Kosovo



Komuna e Kaçanikut
Opština Kacanik
Municipal Kacanik

01Nr.60/02-24256 /23
Kaçanik, 14.09.2023

Këshilli Komunal Për Siguri në Bashkësi (KKSB)

Raporti i punës së Këshillit Komunal për Siguri në Bashkësi për 6 mujin e parë të vitit 2023

I - Takimi i parë i KKSB-së për vitin 2023 është mbajtur me **23.02.2023**, të cilin e ka udhëhequr Kryetari i Komunës z. Besim Ilazi me këto pika të rendit të ditës:

- 1.Miratimi i procesverbalit nga mbledhja e kaluar
- 2.Gjendja e sigurisë në territorin e Komunës së Kaçanikut
- 3.Gjendja e rrugëve dhe mirëmbajtja dimërore
- 4.Trajtimi i rekomandimeve nga takimet e KKSB gjatë vitit 2022
- 5.Të ndryshme

Për gjendjen e sigurisë në komunën tonë ka raportuar Komandanti i Stacionit të Policisë z. Halim Shehu, i cili raportoi mbi gjendjen e sigurisë në periudhën në mes dy takimeve si dhe ofroi një njoftim mbi sfidat dhe të arriturat për vitin 2022.

Nga ky takim janë nxjerrë këto rekomandime :

- 1.Të inspektohen bizneset lidhur me respektimin e kushteve sipas rregullave në fuqi dhe të tregojnë kujdes maksimal ndaj produkteve që tregtojnë.
- 2.Të merren masa ndaj bizneseve që u shërbejnë fëmijëve produkte të duhanit dhe pije alkoolike.
- 3.Të respektohet ligji kundër pirjes së duhanit në hapësira të mbyllura.
- 4.Të merren masa ndaj pronarëve të lokaleve (kafiterive) të cilët përdorin trotualet për shërbime e reklama.

II - Takimi i dytë i KKSB është mbajtur me **27.04.2023**, është kryesuar nga Kryetari i Komunës z. Besim Ilazi dhe janë diskutuar tema të ndryshme që prekin sigurinë e

qytetarëve . Për situatën e sigurisë në periudhën në mes dy takimeve raportoi Komandanti i stacionit të Policisë në Kaçanik z. Halim Shehu, i cili situatën e sigurisë e cilësoi si të qetë. Si shqetësim ai paraqiti gjendjen e pyjeve sidomos të pjesës së parkut nacional e cila nuk po menaxhohet si duhet nga niveli qendrorë.

Pikat e rendit të ditës nga ky takim ishin:

- 1.Miratimi i procesverbalit nga mbledhja e kaluar
- 2.Gjendja e sigurisë në territorin e Komunës së Kaçanikut
- 3.Menagjimi i Emergjencave -Fatkeqësitë Natyrore
- 4.Informatë për punën e inspektorëve komunal për vitin 2022
- 5.Të ndryshme

Rekomandimet nga ky takim ishin:

- 1.Të ndërmerren masa ndaj pronarëve të bizneseve që ekspozojnë mallrat në trotuare.
- 2.Të bëhet një plan i mirëfilltë për emergjencat dhe për fatkeqësitë natyrore.
- 3.Të pajisen objektet institucionale me aparate për fikjen e zjarrit si dhe të vendosen shenjat orientuese nëpër këto objekte.
- 4.Të vendosen hidrantë në të gjitha lokalitetet që janë në sistemin e ujësjellësit

III - Mbledhja e tretë e KKSB duke ju referuar edhe Planit të Punës për vitin 2023 është mbajtur më datë 27.06.2023, kryesuar nga Nënkryetari i Komunës z. Sabedin Vishi, me këto pika të rendit të ditës:

- 1.Miratimi i procesverbalit nga mbledhja e kaluar
- 2.Gjendja e sigurisë në territorin e Komunës së Kaçanikut
- 3.Përgatitje rreth sfidave eventuale gjatë sezonit verorë
- 4.Të ndryshme

Për situatën e sigurisë në periudhën në mes dy takimeve raportoi Komandanti i Stacionit të Policisë z. Halim Shehu.

Sipas Komandantit të Policisë në këtë periudhë kohore ka pasur rritje të veprave kriminale e si më shqetësuese ai theksoi dhunën në familje dhe dëmtimi i pyjeve në pjesën e parkut nacional ku si pasojë është keq menaxhimi nga niveli qendrorë.

Si sfida Komandanti i Policisë e paraqiti edhe numrin e vogël të zyrtarëve policorë për shkak të gjendjes së krijuar në veriun e Kosovës ku një pjesë e këtyre zyrtarëve janë të angazhuar në këtë pjesë.

Rekomandimet e nxjerra nga kjo mbledhje ishin:

1. Të ju bëhet presion më i madh nivelit qendrorë për një menaxhim më të mirë të pjesës së Parkut Nacional apo të gjendet një formë për ruajtjen e kësaj pjese nga keqbërësit.

2. Të vetëdijesohen qytetarët për dhënie të informacioneve për parandalim të dukurive negative.

3. Një koordinim më i mirë i institucioneve të sigurisë në parandalimin e dukurive negative në shoqëri

4. Të rritet gatishmëria për sfidat që mundë ti kemi gjatë sezonit veror lidhur me zjarret.

5. Të merren në konsideratë rekomandimet e nivelit qendrorë për të punuar në preventivë për të ju shmangur pasojave që mundë të ndodhin në rast të ndonjë fatkeqësie natyrore.

Temat kryesore që janë diskutuar në takimet e KKSBB në mënyrë më të detajuar janë të publikuara në webfaqen e Komunës në rubrikën e sigurisë.

Të gjitha këto tema janë paraparë edhe në planin e Punës së KKSBB-së për vitin 2023, por që janë diskutuar edhe për tema të aktualitetit që ndërlidhen me çështjen e sigurisë.

Dy procesverbalet e mbledhjeve nga tri që janë mbajtur si dhe materiale të tjera sa i përket këtij këshilli janë të publikuar në webfaqen e komunës.

Monitorues në këto takime ishte përfaqësuesi OSBE-së .

Kryetari i Komunës
Besim Ilazi

